

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА**

Комисија за спољну и трговинску  
политику, царине, саобраћај и  
комуникације



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA**

Komisija za vanjsku i trgovinsku  
politiku, carine, saobraćaj i komunikacije  
Povjerenstvo za vanjsku i trgovinsku  
politiku, carine, promet i veze

**Broj: 02/2-50-8-23-11/24**

Sarajevo, 30. 1. 2024.

**PREDSJEDAVAJUĆEM DOMA NARODA  
PARLAMENTARNE SKUPŠTINE  
BOSNE I HERCEGOVINE**

BOSNA I HERCEGOVINA		
PARLAMENTARNA SKUPŠTINA		
SARAJEVO		
30-01-2024		
Redni broj	02-50-8-262/24	B

**PREDMET: Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2023. godinu, - dostavlja se,**

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), i u skladu sa Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-575-1/13 od 10.4. 2014.) u prilogu dostavljamo Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2023. godinu.

Izvještaj je razmatran i usvojen na 11. sjednici Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održanoj 30. 1. 2024. godine.

S poštovanjem,



**DOSTAVLJENO:**

- naslovu
- a/a





---

Broj: 02/2-50-8-23-11/24  
Sarajevo, 30. 1. 2024.

**IZVJEŠTAJ O RADU**  
**KOMISIJE ZA VANJSKU I TRGOVINSKU POLITIKU, CARINE,**  
**SAOBRAĆAJ I KOMUNIKACIJE**  
**DOMA NARODA**  
**PARLAMENTARNE SKUPŠTINE BOSNE I HERCEGOVINE**  
**ZA PERIOD OD 1. 1. DO 31. 12. 2023.**

**Sarajevo, januar 2024.**

## **S a d r Ź a j**

### **UVOD**

### **POGLAVLJE I. Sjednice Komisije**

**ODJELJAK A. Statistički podaci o sjednicama**

**ODJELJAK B. Zakonodavne aktivnosti**

**ODJELJAK C. Međunarodni sporazumi**

**ODJELJAK D. Godišnji izvještaji**

**ODJELJAK E. Ostali izvještaji i informacije**

**ODJELJAK F. Zaključci Komisije**

### **POGLAVLJE II. Ostale aktivnosti Komisije**

**ODJELJAK A. Međunarodne aktivnosti**

### **POGLAVLJE III. Rezime**

### ***Prilozi***

*Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2023.*

*Tabela 2. Prisustvo sjednicama Komisije, 1. 1 - 31. 12. 2023.*

*Prilog 3: Međunarodni sporazumi*

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH”, br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

## **IZVJEŠTAJ O RADU**

(za period od 1. 1. do 31. 12. 2023)

### ***Uvodne napomene***

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;

- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

## **POGLAVLJE I. SJEDNICE KOMISIJE**

### **Odjeljak A. Statistički podaci o sjednicama**

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: „Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.“

U 2023. godini Komisija za vanjsku i trgovinsku politiku, carine, saobraćaj i komunikacije Doma naroda konstituirana je 2. marta. Saziv Komisije za period 2022 - 2026. čine članovi: Safet Softić, Marina Pendeš, Radovan Kovačević, Džemal Smajić, Zlatko Miletić i Želimir Nešković. Na konstituirajućoj sjednici za predsjedavajućeg Komisije izabran je Safet Softić. Marina Pendeš izabrana je za prvu zamjenicu predsjedavajućeg, a za drugog zamjenika izabran je Radovan Kovačević.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagateljima i članovima Komisije da iskažu svoje mišljenje, stav ili postavе pitanje u vezi s materijalom o kojem se raspravlja.

Komisija je u izvještajnom periodu održala deset sjednica:

- konstituirajuća sjednica	2. 3.	1 tačka dnevnog reda
- 2. sjednica	27. 3.	26 tačaka dnevnog reda
- 3. sjednica	12. 4.	10 tačaka dnevnog reda
- 4. sjednica	30. 5.	11 tačaka dnevnog reda
- 5. sjednica	14. 6.	6 tačaka dnevnog reda
- 6. sjednica	24. 7.	3 tačke dnevnog reda
- 7. sjednica	29. 8.	7 tačaka dnevnog reda
- 8. sjednica	3. 10.	8 tačaka dnevnog reda
- 9. sjednica	22. 11.	8 tačaka dnevnog reda
- 10. sjednica	28. 12.	16 tačaka dnevnog reda

Na sjednicama Komisije u 2023. godini razmatrano je ukupno 96 tačaka dnevnog reda, što je u prosjeku 10 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije Nenad Pandurević, stručna savjetnica Kristina Milošević i stručna saradnica Jelica Golijanin.

## **Odjeljak B. Zakonodavne aktivnosti**

U izvještajnom periodu Komisiji su dostavljena tri zakonska prijedloga, i to:

- Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini, predlagач: Predstavnički dom, broj: 01-02-1-1904/21
- Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini, predlagач: Predstavnički dom, broj: 01-02-1-687/22

- Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom, broj: 01-02-1-945/23

Sva tri prijedloga zakona razmatrana su u Komisiji u prvoj i drugoj komisijskoj fazi. Domu naroda su blagovremeno dostavljena mišljenja, odnosno izvještaji.

### **Odjeljak C. Međunarodni sporazumi**

U navedenom periodu razmatrana su ukupno 54 međunarodna pravna akta. Spisak razmatranih međunarodnih sporazuma je u prilogu ovog izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

### **Odjeljak D. Godišnji izvještaji**

U toku 2023. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Vijeća ministara BiH za 2021. i 2022. godinu, u dijelu nadležnosti Komisije
2. Izvještaj o finansijskom poslovanju BHRT-a za 2021. godinu i Finansijski plan BHRT-a za 2022. godinu
3. Izvještaj o realizaciji programa BHRT-a za 2021. godinu i Programski planovi BHRT-a za 2022. godinu
4. Izvještaj o radu Upravnog odbora Izvozno-kreditne agencije Bosne i Hercegovine za 2020. godinu
5. Izvještaj o radu i Finansijski izvještaji Agencije za poštanski saobraćaj Bosne i Hercegovine za 2022. godinu
6. Izvještaj o radu Državne regulatorne komisije za električnu energiju u 2022. godini
7. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2020. i 2021. godinu
8. Izvještaj o finansijskom poslovanju i Programski izvještaj BHRT-a za 2022. godinu, i Programski plana rada i Finansijski plan BHRT-a za 2023. godinu

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima u kojima je Komisija, između ostalog, davala i konkretne prijedloge zaključaka.



## **Odjeljak E. Ostali izvještaji i informacije**

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2022. godinu
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2023. godinu
3. Zahtjev Zajedničkog kolegija za utvrđivanje Prijedloga članova međuparlamentarnih grupa prijateljstva PSBiH iz Doma naroda (broj: 01,02-50-12-18-1,4/23 od 23. 2. 2023)
4. Inicijativa člana Komisije Džemala Smajića kojom se zadužuje Ministarstvo komunikacija i prometa BiH da u roku od 30 dana ukloni nelegalne oznake koje nemaju državnih znakova iz graničnog pojasa na svim graničnim prijelazima u Bosni i Hercegovini te da pripremi zakonska rješenja kojima bi se precizirao način rješavanja ovih situacija, uz definiranje nadležnog organa za uklanjanje nelegalnih oznaka (ako to nije u nadležnosti Ministarstva komunikacija i prometa BiH)
5. Informacija Ministarstva komunikacija i prometa Bosne i Hercegovine o Pravilniku o stavljanju van snage Pravilnika o registraciji vozila, broj: 02/2-29-180/23 od 23. 1. 2023.
6. Dopis Izvršnog sekretarijata Centralnoevropske inicijative o uspostavljanju Konvencije za jačanje Centralnoevropske inicijative, broj: 01,02,03,03/11-05-1-2379/23 od 9. 11. 2023.
7. Prijedlog za zajedničku organizaciju prezentacije Transportne zajednice u Parlamentarnoj skupštini Bosne i Hercegovine

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

## **Odjeljak F. Zaključci Komisije**

Komisija je u izvještajnom periodu na sjednicama razmatrajući dostavljene materijale usvojila dva zaključka.

- Na 2. sjednici, održanoj 27. 3. 2023, usvojen je sljedeći zaključak:

*Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine (u daljnjem tekstu: Komisija) neće razmatrati materijale dostavljene radi davanja mišljenja ako sjednici ne prisustvuju ovlašteni predstavnici predlagača.*

*U izuzetnim situacijama, kada to ocijeni opravdanim, Komisija može pristati da razmatra materijale i bez prisustva predstavnika ovlaštenog predlagača.*

*Prilikom razmatranja prijedloga zakona čiji je predlagač Vijeće ministara BiH, potrebno je da sjednici prisustvuju ministar, zamjenik ministra ili pomoćnik ministra.*

*Zaključak će biti dostavljen Vijeću ministara BiH i svim institucijama za čije materijale je Komisija nadležna.*

- Na 4. sjednici, održanoj 30. 5. 2023, prilikom razmatranja međunarodnih sporazuma usvojen je sljedeći zaključak:

*Zadužuju se Vijeće ministara BiH, kao i sva nadležna ministarstva u Vijeću ministara BiH, da prilikom pregovaranja i zaključivanja međunarodnih ugovora vode računa da formulacije u tekstu ugovora budu u skladu sa specifičnostima unutrašnjeg ustavnopravnog uređenja Bosne i Hercegovine, posebno s odredbama o podjeli nadležnosti u skladu sa Ustavom i zakonima.*

*Zadužuju se Sekretarijat Predsjedništva BiH te Ministarstvo vanjskih poslova BiH da prilikom dostavljanja međunarodnih ugovora Parlamentarnoj skupštini BiH otklone sve nedostatke i propuste koji veoma ozbiljno otežavaju, a nekada i onemogućavaju njihovu prohodnost u Parlamentarnoj skupštini BiH prilikom davanja saglasnosti za ratifikaciju.*

*Zaključak dostaviti Predsjedništvu BiH i Sekretarijatu Predsjedništva BiH, Vijeću ministara BiH i Generalnom sekretarijatu Vijeća ministara BiH, te svim ministarstvima u Vijeću ministara BiH.*

*Vijeće ministara BiH po ovom zaključku Komisiji nije dostavilo nikakav odgovor.*

## **POGLAVLJE II. OSTALE AKTIVNOSTI KOMISIJE**

### **ODJELJAK A. Međunarodne aktivnosti**

**Prezentacija direktora Energetske zajednice „Realizacija Ugovora o Energetskoj zajednici – gdje je Bosna i Hercegovina“, Sarajevo, 27. 3. 2023.**

Na inicijativu direktora Sekretarijata Energetske zajednice, a u organizaciji Komisije za vanjsku i trgovinsku politiku, carine, saobraćaj i komunikacije Doma naroda i Komisije za saobraćaj i komunikacije Predstavničkog doma Parlamentarne skupštine BiH, u Sarajevu je 27. 3. 2023. održana prezentacija o temi: „Realizacija Ugovora o Energetskoj zajednici – gdje je Bosna i Hercegovina“. Prezentacija je organizirana za sve poslanike i delegate u Parlamentarnoj skupštini BiH, kao i za predstavnike nadležnih ministarstava i ostalih institucija iz Bosne i Hercegovine s nadležnostima u energetsom sektoru. U ime Komisije za vanjsku i trgovinsku politiku, carine, saobraćaj i komunikacije Doma naroda prezentaciji su prisustvovali Radovan Kovačević i Želimir Nešković, te Nenad Pandurević, sekretar i Kristina Milošević, stručna savjetnica u Komisiji.

**Sastanak predsjednika komisija za vanjske poslove parlamenata država članica Centralnoevropske inicijative, Trst, 9. 6. 2023.**

U Trstu je 9. 6. 2023. održan sastanak predsjednika komisija za vanjske poslove parlamenata država članica Centralnoevropske inicijative. U ime Komisije za vanjsku i trgovinsku politiku, carine, saobraćaj i komunikacije Doma naroda sastanku je prisustvovao Džemal Smajić, član Komisije.

**Sastanak delegacije Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine s delegacijom Grupe prijateljstva Narodne skupštine Države Kuvajt, Sarajevo, 9. 10. 2023.**

U okviru posjete delegacije Grupe prijateljstva Narodne skupštine Države Kuvajt Parlamentarnoj skupštini Bosne i Hercegovine 9. 10. 2023. održan je sastanak delegacije Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine s delegacijom Grupe prijateljstva Narodne skupštine Države Kuvajt.

U ime Komisije za vanjsku i trgovinsku politiku, carine, saobraćaj i komunikacije Doma naroda sastanku su prisustvovali: Safet Softić, predsjedavajući, i Džemal Smajić, član Komisije, te Kristina Milošević, stručna savjetnica, i Jelica Golijanin, stručna saradnica u Uredu sekretara Komisije.

**Regionalna radionica za članove Zelenih parlamentarnih grupa sa Zapadnog Balkana, Beograd, 31. 10. 2023.**

U Beogradu je 31. oktobra 2023. održana Regionalna radionica za članove Zelenih parlamentarnih grupa sa Zapadnog Balkana. Radionici su prisustvovali parlamentarci sa Zapadnog Balkana i članovi neformalnih grupa zelenih u njihovim parlamentima. U ime Parlamentarne skupštine BiH kao član Kluba zelenih učestvovao je član Komisije za vanjsku i trgovinsku politiku, carine, saobraćaj i komunikacije Doma naroda Želimir Nešković, te sekretar Komisije Nenad Pandurević.

Ured sekretara Komisije obavio je sve pripremne aktivnosti, te dostavio izvještaj o održanom sastanku.

**Sastanak Parlamentarnog plenuma Energetske zajednice, Beč, 30. 11. 2023.**

Sastanak Parlamentarnog plenuma Energetske zajednice održan je u Beču, 30. novembra 2023.

U ime Parlamentarne skupštine BiH sastanku su prisustvovali Safet Softić, predsjedavajući Komisije za vanjsku i trgovinsku politiku, carine, saobraćaj i komunikacije Doma naroda, i Marina Pendeš, prva zamjenica predsjedavajućeg, te Nenad Pandurević, sekretar Komisije.

Ured sekretara Komisije obavio je sve pripremne aktivnosti, te dostavio izvještaj o održanom sastanku.

**POGLAVLJE III. R E Z I M E**


Može se konstatirati da je Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2023. godini blagovremeno realizirala sva zaduženja, odnosno razmotrila sve materijale iz svoje nadležnosti, kako bi pravovremeno mogli biti razmatrani u Domu naroda.

Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi izvještaji, mišljenja i drugi akti iz nadležnosti Komisije blagovremeno su dostavljani predsjedavajućem Doma, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2023. nastojala je dati doprinos uspješnom radu Doma naroda.



*Prilog:*

*Tabela 1. Pregled sjednica Komisije s tačkama dnevnog reda i prisustvom*

*1. 1 - 31. 12. 2023.*

<b>Broj i datum održavanja</b>	<b>Broj razmatranih tačaka</b>	<b>Prisustvo članova (%)</b>
konstituirajuća sjednica 2. 3. 2023	1	83
2. sjednica 27. 3. 2023.	26	83
3. sjednica 12. 4. 2023.	10	100
4. sjednica 30. 5. 2023.	11	83
5. sjednica 14. 6. 2023.	6	67
6. sjednica 24. 7. 2023	3	100
7. sjednica 29. 8. 2023.	7	83
8. sjednica 3. 10. 2023.	8	83
9. sjednica 22. 11. 2023.	8	100
10. sjednica 28. 12. 2023.	16	67
<b>Ukupan broj sjednica: 10</b>	<b>Ukupno tačaka: 96</b>	<b>Prosjek prisustva: 85%</b>

Tabela 2. Prisustvo sjednicama Komisije, 1. 1 - 31. 12. 2023.

Sjednice/članovi	Safet Softić	Marina Pendeš	Radovan Kovačević	Džemal Smajić	Zlatko Miletić	Želimir Nešković	Ukupno
konstituirajuća sjednica, 2. 3.	+	+	+	+	-(O)	+	5
2. sjednica, 27. 3.	+	+	+	-(O)	+	+	5
3. sjednica, 12. 4.	+	+	+	+	+	+	6
4. sjednica, 30. 5.	+	+	+	+	+	-(O)	5
5. sjednica, 14. 6.	+	-(O)	-(O)	+	+	+	4
6. sjednica, 24. 7.	+	+	+	+	+	+	6
7. sjednica, 29. 8.	+	-(O)	+	+	+	+	5
8. sjednica, 3. 10.	+	+	+	+	+	-(O)	5
9. sjednica, 22. 11.	+	+	+	+	+	+	6
10. sjednica, 28. 12.	+	+	-(O)	+	+	-(O)	4
<b>Ukupno</b>	<b>10/10</b>	<b>8/10</b>	<b>8/10</b>	<b>9/10</b>	<b>9/10</b>	<b>7/10</b>	<b>51/60</b>
<b>%</b>	<b>100</b>	<b>80</b>	<b>80</b>	<b>90</b>	<b>90</b>	<b>70</b>	<b>85</b>

Legenda: (O) – Opravdano odsutan

### *Prilog 3. Međunarodni sporazumi*

1. Amandman broj 3 na Ugovor o finansiranju, zaključen od i između Evropske investicione banke, Bosne i Hercegovine i Republike Srpske (Ugovor o finansiranju) – Vodovod i kanalizacija u RS-u
2. Amandman broj 4 na Ugovor o finansiranju, zaključen od i između Evropske investicione banke i Bosne i Hercegovine i Federacije Bosne i Hercegovine (Ugovor o finansiranju) – Vodovod i kanalizacija u FBiH
3. Amandman broj 1 na Ugovor o finansiranju - Modernizacija puteva Federacije Bosne i Hercegovine, zaključen od i između Evropske investicione banke i Bosne i Hercegovine (Ugovor o finansiranju)
4. Amandman broj 2 na Ugovor o finansiranju, zaključen od i između Bosne i Hercegovine, Republike Srpske i Evropske investicione banke - Projekat Bolnice u RS/B (Ugovor o finansiranju)
5. Amandman na Okvirni sporazum o zajmu za Projekat regionalnog vodosnabdijevanja „Plava voda“, između Razvojne banke Vijeća Evrope i Bosne i Hercegovine
6. Sporazum o zajmu (Projekat otpornosti i konkurentnosti poljoprivrede) između Bosne i Hercegovine i Međunarodne banke za obnovu i razvoj
7. Sporazum o zajmu (Projekat unapređenja zdravstvenih sistema) između Bosne i Hercegovine i Međunarodne banke za obnovu i razvoj
8. Sporazum o zajmu (Projekat modernizacije vodnih i sanitarnih usluga) između Bosne i Hercegovine i Međunarodne banke za obnovu i razvoj
9. Sporazum o grantu za Trast fond jednog donatora za Projekat modernizacije vodnog i sanitarnog sektora za Bosnu i Hercegovinu (Projekat modernizacije vodnih i sanitarnih usluga) između Bosne i Hercegovine i Međunarodne banke za obnovu i razvoj
10. Ugovor o zajmu (GrCF2 W2 E2 – Tramvajska pruga Ilidža – Hrasnica) između Bosne i Hercegovine i Evropske banke za obnovu i razvoj
11. Sporazum o finansiranju godišnjeg akcionog programa za Bosnu i Hercegovinu za 2021. godinu između Evropske unije i Bosne i Hercegovine
12. Sporazum između Vijeća ministara Bosne i Hercegovine i Vlade Kraljevine Tajland o ukidanju viza za nosioce diplomatskih i službenih pasoša
13. Sporazum između Vijeća ministara Bosne i Hercegovine i Vlade Republike Turske o obavljanju plaćene djelatnosti izdržavanih članova osoblja diplomatskih misija i konzularnih predstavništava
14. Sporazum između Bosne i Hercegovine i Evropske unije o učešću Bosne i Hercegovine u „Kreativnoj Evropi“
15. Sporazum između Vijeća ministara Bosne i Hercegovine i Vlade Republike Srbije o načinu finansiranja i izrade projektno-tehničke dokumentacije, vođenja upravnih postupaka za procjenu uticaja na okoliš, izdavanja lokacijskih uslova, saglasnosti i građevinske dozvole za Projekat „Hidrotehnički i bagerski radovi na uređenju kritičnog sektora za plovidbu – ušće Drine i Save“
16. Sporazum između Vijeća ministara Bosne i Hercegovine i vlada ostalih članica Inicijative za spremnost i prevenciju katastrofa u Jugoistočnoj Evropi o aranžmanima

- zemlje domaćina za Sekretarijat Inicijative za spremnost i prevenciju katastrofa u Jugoistočnoj Evropi
17. Sporazum između Vijeća ministara Bosne i Hercegovine i Vlade Republike Turske o uzajamnoj zaštiti i razmjeni tajnih podataka koji se odnose na Sporazum iz oblasti odbrambene industrije
  18. Sporazum između Evropske unije i Bosne i Hercegovine o učešću Bosne i Hercegovine u Mehanizmu Unije za civilnu zaštitu
  19. Memorandum o razumijevanju i saradnji na realizaciji infrastrukturnih projekata između Vijeća ministara Bosne i Hercegovine i Vlade Crne Gore
  20. Sporazum između Vijeća ministara Bosne i Hercegovine i Vlade Savezne Republike Njemačke o prihvatanju projekata tehničke saradnje za 2016. godinu
  21. Ugovor o grantu (Luka Brčko) između Bosne i Hercegovine i Evropske banke za obnovu i razvoj
  22. Protokol o izmjenama i dopunama Sporazuma o slobodnoj trgovini između država Evropskog udruženja slobodne trgovine (EFTA) i Bosne i Hercegovine, uključujući protokole o izmjenama i dopunama pratećih bilateralnih sporazuma o poljoprivredi sa Švicarskom Konfederacijom, uključujući Lihtenštajn, Kraljevinom Norveškom i Islandom
  23. Sporazum između Vijeća ministara Bosne i Hercegovine i Vlade Kraljevine Bahrein o uslugama u zračnom prijevozu
  24. Odluka o izmjeni Odluke o davanju saglasnosti za ratifikaciju Sporazuma razmjenom nota između Vijeća ministara Bosne i Hercegovine i Vlade Japana o bespovratnoj japanskoj pomoći u iznosu od 500 miliona japanskih jena
  25. Sporazuma o razumijevanju između Vijeća ministara Bosne i Hercegovine i Konferencije Ujedinjenih naroda za trgovinu i razvoj
  26. Protokol o zabrani upotrebe u ratu zagušljivih, otrovnih ili sličnih plinova i bakterioloških metoda ratovanja
  27. Sporazum o finansiranju Godišnjeg akcionog plana u prilog Paketu energetske podrške za Zapadni Balkan u korist Bosne i Hercegovine za 2023. godinu
  28. Dodatak Sporazumu između Vijeća ministara Bosne i Hercegovine i Vlade Republike Hrvatske o održavanju i rekonstrukciji drumskih mostova na državnoj granici
  29. Sporazum između Vijeća ministara Bosne i Hercegovine i Vlade Republike Azerbejdžan o saradnji u oblasti zaštite od prirodnih i drugih katastrofa
  30. Amandman br. 5 na Ugovor o finansiranju, zaključen između Evropske investicione banke, Bosne i Hercegovine i Federacije Bosne i Hercegovine, s naknadnim izmjenama i dopunama (Ugovor o finansiranju) – Vodovod i kanalizacija u Federaciji BiH
  31. Sporazum o zajmu (Drugi projekat podrške zapošljavanju) između Bosne i Hercegovine i Međunarodne banke za obnovu i razvoj
  32. Protokol u vezi sa izmjenom člana 50.(a) i izmjenom i dopunom člana 56. Konvencije o međunarodnom civilnom zrakoplovstvu kojem je Bosna i Hercegovina pristupila 8. maja 2023.
  33. Sporazum o ekonomskoj saradnji između Bosne i Hercegovine i Republike Sjeverne Makedonije



34. Ugovor o finansiranju između Bosne i Hercegovine, Republike Srpske i Evropske investicione banke (Projekat medicinskog kompleksa Banja Luka)
35. Sporazum o investicionom grantu za podršku Projektu vodosnabdijevanja i sanitacije u Bosni i Hercegovini u okviru Instrumenta pretpristupne pomoći (IPA II)
36. Sporazum o priznavanju stručnih kvalifikacija doktora medicine, doktora dentalne medicine i arhitekata u kontekstu Centralnoevropskog sporazuma o slobodnoj trgovini
37. Sporazum o priznavanju visokoškolskih kvalifikacija na Zapadnom Balkanu
38. Ugovor o finansiranju između Bosne i Hercegovine i Evropske investicione banke, Projekat gradskog prijevoza u Sarajevu
39. Ugovor o grantu (Projekat Vodovod Visoko) između Bosne i Hercegovine i Evropske banke za obnovu i razvoj
40. Sporazum između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH)
41. Međunarodni sporazum između Evropske unije i Bosne i Hercegovine o učešću Bosne i Hercegovine u programu Unije pod nazivom Program jedinstvenog tržišta
42. Ugovor o grantu (Projekat Koridor 5c u Republici Srpskoj - Projekat obilaznica Doboj - poddionica: Rudanka - Putnikovo Brdo)
43. Ugovor o grantu (Projekat Koridor 5c u Federaciji BiH - Projekat obilaznica Doboj - poddionica: Putnikovo Brdo - Medakovo)
44. Sporazum o zajmu (Programski zajam za razvojnu politiku zdravstvenih sektora u Bosni i Hercegovini) između Bosne i Hercegovine i Međunarodne banke za obnovu i razvoj
45. Ugovor o finansiranju (Evropski fond za održivi razvoj – EFSD – Namjenski investicioni okvir 1) između Bosne i Hercegovine i Evropske investicione banke, Projekat Vjetroelektrana Vlašić
46. Amandman broj 4 na Ugovor o finansiranju - Vodovod i kanalizacija u Republici Srpskoj
47. Amandman na Sporazum o zajmu - Dodatno finansiranje za projekat registracije nekretnina;
48. Amandman na Sporazum o zajmu - Projekat restrukturiranja željeznica Republike Srpske
49. Sporazum o zajmu (Projekat unapređenja kvaliteta zraka) između Bosne i Hercegovine i Međunarodne banke za obnovu i razvoj
50. Sporazum o finansiranju Programa aktivnosti prekogranične saradnje Bosna i Hercegovina - Crna Gora za period 2021 - 2027. godina
51. Sporazum o finansiranju Programa aktivnosti prekogranične saradnje Bosna i Hercegovina - Srbija za period 2021 - 2027. godina
52. Amandman broj 2 na Ugovor o finansiranju – Koridor 5c, Počitelj – Bijača između Bosne i Hercegovine i Evropske investicione banke
53. Sporazum o finansiranju Godišnjeg akcionog plana za Bosnu i Hercegovinu za 2022. godinu između Evropske i Bosne i Hercegovine
54. Memorandum o razumijevanju između Vijeća ministara Bosne i Hercegovine i Vlade Ujedinjenih Arapskih Emirata o uzajamnom izuzeću od zahtjeva za ulaznu vizu

